



道園學古錄卷之二十八

歸田彙二

雍虞集伯生

芝亭永言

古詩七言

江樓看劍歌書趙子昂劍銘後

豫章高秋宴高閣乃出此劍相娛樂當時冶鑄絕精英土蝕
沙沉更銷鏤遺質所存如冷電江光不興晝光却神光內閃
氣逾深識察誰能動真漠等閒千年不一試壯士酣歌謾揮
霍嗟予衰朽雪滿顛空對涼風起天末或言江中有蛟孽當
煩仙人下寥廓吾故臨風拂其鏗伴伏崖陰無敢作

劉忠肅公之四世孫中書舍人諱震孫之曾孫益
之題其居曰雲松巢予家與劉氏累世之契故爲
書忠肅公文集之首詩二篇并賦此詩與之

丞相昔遊泰山頂天風浩浩春晝永玉檢微茫不可求但覺
靈霞熟丹鼎白日人間如水流前代衣冠成古丘悠悠憂患
何足計直道千年橫素秋徂徠之松數千尺東連海上莫烟
碧中書偉人如玉立每向南風望東北濁世公子何翩翩却
憶匡廬還謫仙夫容出水耀初日五色光新天為妍我今僑
居廬阜側西視峨眉歸未得豈無雲錦晚相娛月落終懷雪
山白森森喬木魯東家河間禮樂更光華勿忘先世舊遊處
吾秣爾馬膏其車

吳興趙子昂十馬圖

昔在秘閣見十馬云是韋偃之所畫此圖位置畧相似心神
偶同豈臨寫馬種本自渥洼來灑灑清泉更瀟灑常恐一日
風雨至感踏波濤遂神化豪雄意氣今豈無未見深沉如此
者君看最後臨岸驄自是真龍無世價

畫馬

百年升平却走馬立仗天閑常見畫蕭蕭難難頭八十翁却寫
西來大宛首馬蹄如鐵項如鈎風鬣蕭蕭首霜秋常見貢來
騎不得長嘶要蹴崑崙丘

題畫

連昌宮裏古墻陰積雨過春黃竹深老樹無枝交瓦鐵立石
有書名錯金吮豪池上寫幽鳥承恩春日風光好當時執戟
今白頭却對蕭森倚秋昊

空山歌

高空之山兀然公宅維川作圖纒數尺秋天薄雲平初表春雨
喬林百年物憶昔侍郎鎮成都將佐盈庭賓客趨錦官城外
加鼓發駟馬橋邊高蓋車先廬舊在小東郭丞相祠堂同寂
寞嚴公同訪杜陵家退之亦到淮西隄我眉峯我久不歸江

水娛人秋日暉坐看蓬萊變乘海自南城天下稀公子親
迎陳氏館我初至撫猶弱冠者君揮翰甚風流豈想重逢賢
毛換君言中間一再來數見先公胸次開鶯花風雨必求友
水竹園林持酒盃嗟予晚歲始能退寧有文章驚海內平生
不受簡書思故家高致君應最圖中山色積翠濃雖欲舍子
將焉從蜀人相如敢能賦行倚山木歌高空

為懷玄圃題鰲溪春曉圖

夫容山陽萬家邑石嶺戴轍繁紆入溪水西行夜雨深連村
乘拓春雲濕昔因荒迴少官府日莫孤兔作人立自從置縣
二百年稍有衣冠更俗習讀書進士比舍聞瀾屋黃金亦家
給山中白日浮雲多負乘因仍足車笠燮侯出曹國動舊射
策君門耻公襲朱衣作監列星宿遠人豈意高軒及接琴不
鼓書牒稀彈鋏無魚賓客集綉衣使者停車見黃堂大夫下

床揖登高望遠送飛鴻攬轡驂
駿度原隰人言桐鄉人愛我
我愛桐鄉重於悒畫圖千疊
宋稠菱舍蕭條莫忘茸

題馬竹所畫

霜清木落江海空一棹歸來何處翁
雙松千歲如鐵石為尔
開薄旋天風憶昔神龍劍所
以夕卧滄波弄明月望中冉冉
雲氣生直接銀河上瓊闕

霍元鎮規模董北岳米南宮父子寫山水雲物殊
有標致見示春江州魚圖遂賦此

春江聚網萬魚急漁人相讙
魚相泣負薪深山何處推利害
相乘不相及海鷗冥冥秋影
似黃葉江南一棹歸人間得失
兩無迹不廢山水含清暉

南岡

華蓋三峰立天表山北山南
青未了曾看雨雲出太虛幾送

餘霞落飛鳥周頭春歸露未晞梧桐鳳皇相因依卧龍之孫
思外氏悵望輝光生翠微

題何大夫畫馬

國朝畫手何大夫親臨伯時閱馬圖伯時絕憶鐵面語放筆
驂騑懷此都此都大夫八九十千馬萬馬在胸臆偶然數鬣
落江南捲東上箱謝槽櫪

同開先南楚悅禪師觀息齋畫竹卷於崇仁普安
寺煜公之禪室蓋煜之師一初本公所藏也因記
延祐甲寅息齋奉

詔寫嘉熙殿壁南楚與之同寓慶壽寺同予時為
太常博士俯仰之間已為陳迹乃題其後云

嘉熙殿裏春日長集賢奉詔寫蒼筤迺來二十有五載飄零
殘墨到江鄉匡廬高人昔同住每見揮毫鳳鸞翥木枯石爛

是何年脩竹森々長春雨

題村田樂圖

尺素自是高唐物瑩如秋水宜設色何人畫此跌畝間二三
老人若相識茅屋蕭條古樹下農務未殷牛在野或吟鸚鵡
脫籠勢或弄獼猴咲真假老翁政自如兒嬉高髻強負相扶
持古時扮社祀田祖移饌高堂隨所宜抱甕初來未貯酒亦
有生鶩死延首村優競携樂具至犬怪雞驚見拍手拄杖出
門欣見賓雜華滿庭生好春歲時無事得如此擊壤何必非
堯民騎驢過橋殊矍鑠携具空陂來赴約定知張果千歲人
遊戲人間共盃酌

柳塘野鴨

江南水退秋光淺風柳參差音四然捲鷺鴛在梁身在渚蕩蕩
扁舟去家遠千艘轉海古長竿白粲連江動秋色斷蒲折葦

野水闊爛爛明星且將七翠般擊露夜深寒玉色亭亭落月
殘太液池頭黃鶴下夢中曾見畫中看

丙吉問牛喘圖

少陽用事春猶淺丞相公行問牛喘三公職事知者稀嗟彼
德微蒙榮免天子有道守四夷中心無為日萬幾遠有旬服
近有畿夙夜明哲發裳衣

江貫道江山平遠圖

江參去世二百年翰墨零落多無傳人間幾人寫山水誰能
意在揮毫前昨日石林舊家物吞雷疊嶂初破墨我和葉詩
頗豪放三者相望都突兀險危勿好平遠難如此千里數尺
間高雲舒卷非散地曩日照耀百名山我持美酒一斗墨
汁盈盤哥濡首江生精神作此山向山呼生當至否高秋銀
漢天無雲帷中冷然來夜分黃姑不鎖頭華蓋頂畫我獨訪浮

丘君

爲汪華玉題所藏長江萬鴉圖

雲巢幽人愛江渚抽思揮毫寫橫素波瀾不驚潑水盡秋氣
晶明絕烟霧征帆去掉不相護岸曲洲旋總堪賦孤村城市
僅如蟻百丈牽江直如縷蕭蕭木葉洞庭波歷歷晴川漢陽
樹蒹葭宿鴈天欲霜叢葦寒鴉日云暮就中樓觀何王宮想
見華年貯歌舞丹青倒景駭靈旌粉黛含情怨幽阻青春遊
子澹忘歸白日冷風帳中語人間遺迹何足留寧惜精思墮
塵土郭熙平遠無散地小米蒼茫托天趣銛鋒銳戟不破墨
刻畫晶瑩昔誰古渤海細書藝文章精絕戈波絕回互南唐
後主萬鴉圖點點晨光動毛羽昔年曾見今日昏雖復逢之
亦難睹汪侯此卷山出故家相示摩挲極愁予香奩犀軸見者
稀謾錄餘情示來者

盤車圖

大車麟麟牛駕輓西望大行雲千尺往時飛挽實長安百兩
仰關過阡陌亂流十里九屈曲水濺車箱沙沒轂前和後應
日云暮王事有程車下宿旂旄央央昔臨洛東南會期出方
嶽侯伯有位賦有差載幣瞻迎來若若君不見海殷百萬乘
天風京坻連雲多腐紅天子視朝大明宮千乘萬騎來何雄

贈羽士費無隱

東望雲林三十六聞有仙人結茅屋清露零零采紫芝白雲
深溪動黃獨國初山下苦流離義士傾家救世危百年孫子
俱華髮誰解燈前說舊時聖恩深重絕征戰猶慮寒溫資瞑
眩身着黃冠寫古方薄素細書三十卷相從寂寞久者誰禹
穴山頭一布衣鬢如鴉羽顏如雪跳入壺中夜不歸市人扣
門呼不應光影俱消聲色泯但言解隱不言無不道本無何

所隱我欲作舟須水金人間無藥不堪尋青霞如練還相覓
華蓋衝天丈室深

題漁村圖

黃葉江南何處村漁翁二兩坐槐根隔溪相就一烟棹老嫗
具炊雙瓦盆霜前漁官未竭澤壘中抱黃鯉肪白已真甘瓠
當晨粲更擷寒蔬共桂席垂竿何人無意來晚風落葉何堪
總了無得失動微念况有興亡生遠哀憶昔采芝有園綺猶
被留侯迫之起莫將名姓落人間隨此橫圖卷秋水

題韓幹畫馬

韓生觀馬十二閑時馮一二傳人間坡翁嘗來伯時宅見此
遺迹開衰顏前行如雲塵不動後者追風絕飛輕昔人能事
已可能始覺賞識非虛諷昔觀秘府韓絕少得見龍眠已驚
倒使人讀詩如見畫人中豈復生坡老五雲之中天上奇代

產名駒天子騎神明尚令後古見莫歎韓生非畫師

題黃都事仲綱山居溪閣圖二首

出山作官十載餘聊托筆墨懷幽居連雲一一列眉黛細雨
往往逢樵漁隣家父老每載酒隔屋弟兄皆讀書我久居山
不待畫獨念稚子扶犁鉏
閣前流水秋愈深故人東來還見尋方舟直過彭蠡澤把釣
坐對香爐峯雲中烟樹差可辨江上鄉閩誰與吟我欲芳蘭
寄遠者日暮天際多輕陰

題秦統二夫人承召遊華清宮圖

貴人並輕如輕鴻承恩馳入華清宮道途先不止行客策蹇
奔趨烏帽風奚囊墮地何足拾豈有篇章浪相及畫史當時
妙墨傳光彩流動狂情急君不見白頭拾遺徒步歸明眸皓
齒事皆非朝天泥滑袖封事高閣雨餘宮漏稀

方壺畫山水歌

方壺之山在海中世人欲見知無從壺中仙人閔昏洵絲筆
手開三五峰亭亭兩箇老松樹萬壑千崖閱今古憶昔長從
王子喬坐聽秋風最高處世人畫山非不多不識真山奈若
何君看昆侖上丹穴芝泉玉樹森婆娑東望方壺應不遠飛
度九州如過電便從海上問金公莫待浮杯水清淺

示同

憶我蚤歲誰剽側足自踈踐心惻惻中年祿薄未及養人羨
清華已驚傷歸來老病五年餘閔子謀食躬犁鋤蓬蒿羅生
果竄異蛛網微細仍縈紆星河江上喜非遠况與良朋適我
願故人念我一相見暑中尚慎柁樓轉

律詩五言

玉隆宮所藏宋乾道宸翰卷五十一字

昔者雲歸壑天章自九重日華常映鳳山氣盡成龍俯仰遺
陳迹高深儼德容飄然化春雨結想在高松

寄忽承旨

投老清江外依山結數椽扶藜循水竹把筆賦雲烟歲熟無
憂食秋清不礙眠故人相望遠北極在天邊

寄三衢守馬九皋

聞道三衢守年豐郡事稀詩成花覆帽酒列錦成圍鶴髮明
春雪貂裘對夕暉扁舟應載客閒聽洞簫歸

題朱澤民山水

積雪山陰道嵯峨筆底生雲門見童子禹穴闕蛟精高卧人
何在幽情幾詠成杜陵空想象晚飯拖樓晴

寄題汪道士草亭

飛白妙娉婷新題照草亭仙遺相鶴法客借換鷺經霧雨歸

懸黍風雲護伏公遙知春晝永深坐養黃庭

黃敬廷送竹本

分得瀟湘玉森森忽滿林香爐來曉色石檻借清陰好共芝
蘭長毋令草蔓侵清風月如書老朽要長吟

聞鴈

樓近暖雲濕夜深歸鴈低聲音燈外盡羽翮月邊迷井井白
榆上悠悠黃竹西應逢穆王駿春草一長嘶

錢舜舉畫

一樹花如雪清明客未歸坐看黃鳥並夢作綵雲飛翠袖
猶薄羊車過絕稀相如能作賦月下卷春衣

山水圖

泛舟乘落浦望見香爐峯野水當歌樹山雲不礙鍾桃源携
客覓松徑與僧逢爲託荆關輩未予九節筇

丹霞觀黃知微留別

寓館隔溪津，遙從厭市塵。振衣清露曉，拄笏野亭春。歸作芝田主，思存黍谷神。松華頻寄取，老去欲輕身。

題馬竹所畫

老樹依江岸，歸舟傍釣竿。水花昏晚淨，風葉識天寒。鴈字來千里，魚羹付一餐。遠山青可隱，日下是長安。

題曹霸馬

將軍今為庶，畫馬寄高情。聚立天風起，長嘶沙草生。飛揚萬里音，凌亂五星精。日暮太行道，悲哉長短行。

答陳溪山元日即事

積雪埃塵淨，光風宇宙新。聞來知惜日，老去善酬春。退密觀群動，憑虛集百神。真人起居法，無一是違仁。

送客北門晨登山木閣

晨登山木閣，零雨煖於春。溪水解留客，梅花偏照人。林香知酒熟，市遠覺民淳。此地堪娛老，惟愁度水濱。

次韻陳溪山

移棹避殘暑，開樽就夕陰。冥鴻聊自達，幽草若為吟。離索連三月，棲遲共寸心。遙怜溪上晚，扶策獨臨深。

又

乘興忽忘遠，相思知幾何。未便塵事少，謾悔世緣多。朝食烹芝菌，秋衣製芟荷。平生但隨運，何地不蹉跎。

否園詩為黃思順賦

善樂多陰德，名花種滿園。暄風吹雪盡，暑雨綴金繁。卧護煩仙虎，分嘗任野猿。佳兒足文學，食實似桃源。

寄題樓撫山普潤禪寺

寺在撫州城南八十里唐普潤禪師道場師姓翁氏元和元年二月八日坐化於潭州有靈異州人就肉身裝塑後現夢撫州太守迎歸建寺至今遺體堅固如初靈

應尤著

高人出世間未忘鄉里思靈骨萬里還深恩千載遺嘉穀歲恒登群生無厲疝古刹抱禪悅高丘依母慈寺右有師母墳各翁家林即師故俗家崇構起積廢新堂納華滋今長老秋雲富公所建東隣有一士我冠誦書詩謂表徵君誠夫清秋約杖屨千步攀松枝寺後有山各千步

寄題許愿夫抗雲樓

城居苦迫隘層闌上蒼堯措身方丈間千里心目超可以抗浮雲誰能願塵器凝峴有遺碑下蕭條子固若星斗其

鬼安可招龐公較耕際頗懷見凌霄賦詩托飛鳥長空何察

贈劉無作

袖中殘卷在動是十年前逝水從前輩傷情有妙年博聞誰
共學孤坐獨求禪莫恨相知晚文章倘為傳

又贈劉無作

一家俱學佛之子更幼書諸老亦編亦棄究竟餘治生惟
淨業志業足嘉疏為龐居士如

道園學古錄卷之二十八

道園學古錄卷之二十九

歸田藁二

雍 虞 集 伯生

芝亭永言

七言律詩

與燮元溥登仙遊和李浩卿韻

老去江山已倦游况聞風雨滿溪頭
擬尋黃鵠望松壑聊伴白鷗經稻疇
山掩有雲堪作供酒樽無婦可歸謀
從教賓客回車晚留取衰翁專一丘

陳可復為予寫戴笠圖賦詩四首

浮雲滿空無所依高岡獨行來者稀
仙人冉冉遺松老鳴鹿呦呦生草肥
伐木遠聞何處谷頃筐近得故時薇
山中雨來霧先合此日先生戴笠歸

南園多竹暑氣微始來結屋相因依
掛巾石辟畫簷務濕沐髮

池水朝陽晞頻年車馬踐霜雪六月袞衣無綵締鄰翁問舊
坐來久此日先生戴笠歸

老去懸車百慮灰西風獨愛菊花開田家酒熟邀皆去茅屋
詩成懶更裁欲及天清冷沆瀣要觀日出上蓬萊赤松有約
應相待此日先生戴笠來

捨却鄉人駟馬車老身全不要人扶雲霄一羽山頭杜風雨
孤村海上蘇薄命長鏡隨積雪多情破帽落輕烏莫圍玉帶
垂朱紱此是先生戴笠圖

仙游道士余岫雲為從珠溪余隱士求得華山下
黃茅岡一曲規作丹室甚而賦之不覺五首

華山東下有茅岡云是毛公舊隱場
清露尚餘丹滿白白雲
今許草為堂冬憑野燒開畚隴春託
山雷淨石牀從此便為
千載計洞天先拜紫玄章

茅岡地主古醇儒乞我岡頭作隱居
嶺上閒雲從管領澗中
流水聽聞除刀耕火種從茲始
雨笠風瓢便有餘自古詩人
多會合浮丘毛氏不愁茅

石人屹立古仙壇雙湖交流拱一盤
臨水種松須匠匠就中
作室要寬安洞經即日脩真訣
玉臼逢春浴舊丹却恐山中
添故事題詩莫與出傳看

仙游辨得茅千束華蓋須分屋數間
微咏玉經忘我老謾調
金鼎勝於閒龍雷變化從舒卷
鶴露清寒自往還何似綺園
諸老者採芝初不離南山

茅岡初割一溪雲玄契華陽舊隱文
謁簡自題香案更封章
先報大茅君種成和露桃千樹
借與摩霄鶴數群便是宸清
真洞府不煩夢想託紛紜

崇仁監邑阿里仁甫茉莉花盆中折竹插之而生

枝葉近年翰林學士薩公謙作御史時亦有此
瑞朝之士大夫引寇萊公故事以爲徽名其堂曰
瑞竹而咏歌之薩公仕東南歷郡守部使者所至
有仁政者清節美名者壽今爲中朝老臣瑞蓋不
虛發也仁甫長邑三年清介明恕于上下此竹
之生父老庶士爭走山中相告因取而觀之略寫
其狀賦詩以美之

華盆插竹忽生根枝葉青青向曉暎直疑即有生資地力虛心
無愧荷天恩薩公堂上今重見萊國祠前孰再論但得清風
千古在常扶筇杖看淇園

撫郡天寧明極覺講主陪敬齋監郡奉祠華蓋特
有高味三讀敬嘆僕偶共清游輒復次韻衰退不
工聊資咲粲

三峰宮殿接新橋十月長齋陟翠堯朝步仍垂蒼玉珮登歌
還引紫瓊簫千枝絳蠟連虹貫五色香雲向日飄賴有高人
陪後乘輕清詩句似參寥

鄧公信吾契家賢弟比奉憲臺書幣存問衰朽于
山中其還也無以爲餞賦此與之

幙府秋高寄遠情飛鴻蕭蕭度江城深慚衰朽勞人間豈有
六章與世驚疏傳多年餘賜盡揚雄已老太玄成馮君歸致
殷勤謝擊壤田間荷聖明

故人將命清嚴地越陌經阡枉見存松菊荒蕪慚重客裳衣
顛倒出柴門老忘舊事尋書卷喜走鄰家覓酒尊此邑故家
無幾在更崇令德及諸孫

安成劉雲章漢章兄弟兩秀才來訪一長書一長
詩皆有志文學賦此爲別

步屨東行好弟兄東書街袖見才英只愁困學孤來問豈有
奇聞外素誠知道言辭無詭妄及人事業匪縱橫名鄉自昔
多君子珍重歸來在矯輕

壽陳溪山生日

西來羈客作南居來往風流舊不踈好句每容鄰曲寫高情
不解世間書溫溫中夜還丹鼎冉冉高仙畢道車千歲相期
真有約九天風露壽尊餘

秋日同朋游北塔山

縣西北塔極蕭疎投老能來幾度餘山木已隨樵斧盡屋塵
猶護醉翁書遠懷天上多騎鶴近愛槎頭可釣魚九日懸厓
多細菊可能無意再巾車

縣道蕭條北客踈西人居者亦無餘春尋道士松花館秋覓
山人柿葉書太史闕文誰借馬相君退食尚烹魚何因得似

先天叟洛下人家揔駐車

歸田多病故人踈好客相逢樂有餘老去深盃那醉飲詩成
大字尚能書閉生去上青驄馬道士歸騎赤鯉魚如此餘閑
多樂事誰能七十始懸車

送尼山廟學彭山長

尼山新作素王庭春告成功用上丁徂徠有松充采斲雷平光
何殿效丹青風霆形氣皆禹敷金石文章具刻銘天子萬年
緩福祿曾孫奉若薦明馨

游洛湖田舍

近郭林泉無可游行尋田舍逐微流春眠稍可遠鍾鼓秋熟
或能求豆區萬里橋邊祠廟古百花洲畔釣船幽兒童不解
憶鄉里老夢時時還故州

題范德機詩集後

抱膝長吟老范兄寒岩古柏兩同情
真仙鶴骨成遺藁飄零存梗槩孤兒孱弱賴高情
知心友千古誰聞出世名

溪山翁所居與小雅易君相近翁與予賦詩易君之季子至善輒隨錄之遂成巨帙賦此以答其美意云耳

橫塘烟雨易東家翠竹娟娟映白沙
長對樹交花往來二老隨天分爛熳三春感物華
商嶺外曾無高咏到烟霞

題徐孟俊屏山閣

題詩遠寄屏山閣回首人間五十年
西嶠依然仙子館東湖還載隱君船
同時翰墨嗟誰在滿屋詩書嘆獨賢
欲買一舟江海去遠看喬木翠參天

送易用昭

詩成長是倩人書最愛東家織翠泥
遠樹斷雲春雨外華星明月晚涼初
澹然柿葉題都徧短州梅花畫不如
莫向墨池成久別鸞鶴還欲謝崇虛

和陳溪山雪中雪晴一首

柴門積雪未全開千樹瓊林豈異哉
鑑鼎微温過半夜玉經細咏却千灾
江南水向川流合天際春隨斗柄回
大華高人觀物表詩成先寄鶴飛來

東風先散息寒威病骨欣然解帶圍
日照瓦溝生淑氣水融硯沼漾晴暉
銀蟠試戴花枝弱玉鑰新嘗菜本肥
尊酒欲爲君子壽除公誰是兩忘機

和陳溪山立春後二日即事

夢朝金闕見明晨澗泱泱積玉塵
二日新春二日雪一分

深雪一分春柳條封盡芽如粟梅萼飄殘實已仁欲破鳳團
銀盃凍冬温且酌井泉新

寄陳奉常并序

昔聞朝廷

寧廟升祔奉常陳君新甫以世胄之貴游博洽之高誼
特奉明詔出使江海之上采上金明材擇良工絕藝
新作禮器樂器求在郡國之書與通樂律之士以備一
代之盛典焉鴻儒碩彥感嘆其委任之隆非尋常效一
職治一事之凡近而已故賦相餞奇辭瑰句傳乎四方
何其盛哉僕泊然老懷未忘舊俗亦成一章奉寄

新廟工師謹駁奔奉常承詔出修門鑄金就徵揚州貢觀
樂應求季札論功德頌成諧鳳鳥文章篆定刻瑤琨千年製
作于今盛擊壤猶慚荷宿恩

集自郡城歸溪山翁寄詩并和申字韻垂教依韻

再呈殊愧遲拙

暮春長日雨兼風買得江船未及東出郭故人邀杜老輟耕
田父訝龐公謾從脩禊忘溪曲何用安車徧洛中且起紫芝
行復長詠歸先與謝崆峒
待客花陰午過申茶香掬火一時新千竿嫩綠搖輕暑數萼
餘紅墜晚春坐憶雲林行道迹夢遊仙島意生身連根分種
如冰雪來向清池對玉真

謝陳溪山送蛾眉豆種

種豆南山憶故鄉蛾眉分種喜封囊底須飛鵠能啗子未許
蹲鴟共淪湯玉碗茶香分瑟瑟瑛盤櫻顆間煌煌燃箕煮金
催詩句更約鄰翁共佛床

已卯秋舟過清江憶范德機

歸來江上鬢如絲所謂伊人獨繫思千載清風東漢五百年
高興成庶唐詩離離宿草秋雲斷采采黃花夕露滋山水含輝
無盡意他生何處共襟期

玉堂風日擅揮毫海上馳駟嘆二毛太傅竟無宣室召拾遺
空署華州曹孤兒衣食交遊古白世文章墓石高車過不留
應腹痛寒泉秋菊賦離騷

宜春臺晚眺

長沙王子舊層臺古佛神龍寶殿開秋水繞渠三峽漲春雲
垂兩大瀉來萬家香火網緼合四面峰巒翠壘堆最憶老藤
陰覆地空中幾見異僧迴

廬陵歐陽德器游京以所藏先世誥勅見原功於
玉堂賦此以送之

究公孫子不離鄉封誥于今幾世藏恩數重懷全盛日標題

猶是故時囊遠從史館求同姓未覺輜車滯一方昭代治平
多制作討論應及漢文章

送黃子勛

從師學道暫辭親百里西來動十旬夜讀松林堂下月晝吟
梅夢坐中春每欣老筆蛟龍走亦愛幽居鹿豕馴春服登成
還再到水歌同向澗之濱

書武進縣學記後

縣令之職有社稷民人之寄不故以百里為小也有政
焉有教焉不可以偏廢也陳君子瑛治武進脩學校馮
彥思記之可以知其所系之重矣崇仁之士觀乎其記
蓋亦有所感而不及為者豈非天平因邑士之意賦詩
以書其後云

從容文學聖門優惆悵吳人獨子游百里絃歌誰濟濟千年

禮樂付悠悠邑人此日傳新記弟子遙知憶故侯何事紫芝
三秀地空閒踈雨過新秋

己卯臘八日雪為魏伯亮賦

官橋柳外雪飛綿客舍樽前急管絃僧粥曉分驚臘日微園
晨出憶殘年白頭長與青山對華屋誰為翠黛憐唯有寒梅
能老大獨將清艷向江天

漫空飛絮散輕絲所異寒威欲折絃縣令温存僵卧叟詞人
解頌太平年剪雲為葉煩相寄種玉成田不受憐丹鼎温温
千歲熟樂夫事業在知天

寄賀吳宗師七十壽

開府希年正樂康聖恩錫宴在斯堂歲周二十逢熙洽正接
期願披寵光劍珮揔從仙苑集簫韶還就洞庭張簞花當日
今誰是試向雲籟閱舊章

舊德高年荷聖恩慢亭如宴武陵君松喬能壽多深德園綺
來朝只暫聞千歲天邊觀鶴髮五雲日下護龍文山中七日
陽初動送禮三台過夜分

和陳溪山元日後雪

瓊妃剪水散春天坐下先迎華嶽仙飛步揔鳴蒼玉佩閑居
能檢白雲篇朝元閣近星辰北獻壽盃深雨露前白髮舊時
香案吏幾迴七日是千年

撫郡玄都觀羽士黃一初自京師還得大宗師吳公所
為和詩二篇其一故翰林學士吳先生廿年前廬山中
所賦其一則和天師所與詩其一則予在茅山羅山第

一谷中送一初詩也臨行大宗師囑之云到臨川即以
示予也忽復一歲一初又將北游却賦此一百六十八
字託一初謝大宗師古道高誼也

和吳先生韻

世外神丹起積痾，憇塵坐見月明過。侯生猶識道經草，梁甫空成鼓缶歌。柱史通家今昔少，番君分祀子孫多。淒涼遠寄懷賢味，譜入朱絃久未和。

和天師韻

白髮高居古道山，蓬萊雲氣隱重環。尚方徧識前朝履，持進仍先法從班。桃李成蹊春日滿，風雲繞坐晝陰閑。梅仙舊隱玄都館，紫陌紅塵有客還。

自和韻

荒陂野色帶餘曛，隴上時逢植杖耘。靈囿鳳麟千載去，玉階鷄鷲此時分。誦詩自託浮丘伯，垂問長勤大隱君。為報黃茅岡曲舍，簷端盡日宿浮雲。

贈武夷道士羅鑑空兼憶范德機

學道應須住武夷，青山綠水不勝思。九天清露三生夢，千古高情兩鬢絲。羽客鑑空猶有鑑，故人詩後更無詩。懸崖仙骨堅如玉，明月長歌覓紫芝。

寄題采石新造觀瀾亭

雪嶺春融萬里來，浮雲天際兩眉開。魚龍夜水星前起，風雨春潮足裏回。尊俎誰陪賢太守，文章莫媿昔英才。無邊李白登臨意，更覓遺碑步紫苔。

某與胡伯友書問疏闊稍久因楚石藏主待謁翹仰高誼賦寄此詩

喬木千章萬壑秋，使君清興在危樓。星沉夜水神魚化，霜落寒汀宿鴈留。紅袖烏紗酣楚客，畫屏銀燭看吳鉤。不知肯着枯藤杖，采采芙蓉涉遠洲。

贈楚石藏主謁饒心道六有先生

不識南塘第幾橋翠樓華屋上名堯古文獨許揚雄識幽興
誰爲杜甫邀伐木春聲生澗谷涉江秋影蕩蘭若散花如雨
携雙履復解與高人話寂寥

十月朔旦同監邑大用暨僚屬游北塔山

敗壁殘書五十年重來山色尚依然田疇稍稔農民喜官府
多閑令佐賢黃菊不羞蓬鬢改清尊一聽酒盃延坐中有客
天邊去金榜春風待鴈傳

九月與薛玄卿外史會于黃氏溪園陪坐溪山先

生談玄觀古仙像

自昔簪纓盛邑東新堂還見百年風兩人白髮驚先老一客
玄裳喜暫同食飲具陳先世業耘鋤金效野人功談玄不及
紅塵事盡日溪園樂意中

會後附登華山按節固玄卿先往候予至

石斛金釵感素秋洞懸鍾乳入山幽扶藜不是人間藥聞健
聊爲物外遊雲作衣裳塵不染詩成珠玉世誰收石人久立
黃茅月歲歲能來爲客留

予與玄卿相遇山下別後和朱德嘉韻奉寄重塵

賡和再用韻奉謝

茅岡十疊七香車誰賦新宮蔡少霞年歲留蹤丹井曰諸天
獻此菜羹瓜石人兩立春衣濕崖壑蜂來書樹譚憑仗仙翁
須一到浮丘已遣鹿嚼花

和朱德嘉登華蓋山有賦韻寄薛玄卿和詩未成

登山已遇玄卿下山道中足成以寄

相期秋晚命柴車同看華峰散綵霞農父苦留杭似雪山人
先許棗如瓜蛟翻巨石痕猶在鶴立危峰語不譁邂逅不留
知有意林臺菊有未開花

縉山張君榮字仲華來永撫之崇仁歷兩政六年
心平氣順上下相安如一日雖有遠役重勞亦無
闕事甚可稱也予之間君相愛如故舊每懷舊從
東道往來縉山道中見其風土之勝民俗之美未
嘗不談道以為樂於其受代調官京師因記之以
詩而與之別明年進秩南來觀舊治父老兒童相
迎於東門之外又當歌此以為一咲之歡也

昔從時巡出縉山翠畦綠樹畫園間驅車百折龍門險載筆
千峯虎帳閑麥粉勸嘗銀縷熟梁炊持獻玉漿遠道傍父老
應常好為說鄉風一破顏

馬公同涉龍門道歎似山陰及武夷儘有千崖如罨蓋但無
一棹弄清漪知君又有鄉閔夢老我能無木石思抱甕青梁
洪玉食饋漿道左野人誰

太平縣道喜年豐每出城南訪野翁粗有軒牕草木謾留
車馬驚蒿蓬心寬易醉母多酌事簡無私亦屢空好得公田
多稼地長年歌詠聖恩中

集家世以文學為業亂離顛沛憂患困苦無敢失
隊然學未成而出早涉筆為文應事而已人或以
為能自知其不足也歸田以來稍得安閑而日疾
相嬰學不加進於立德立言之事無有乎爾也是
以所作事過即罷不復記錄至元庚辰冬臨川李
伯宗黃仲律來訪山中拾殘藁於敝篋得粗可屬
讀者二百餘篇而錄之賦此以謝

冰生鐵硯不堪磨收錄殘編夜每過老病自知才思少應酬
長愧語言多天人理一非無學內外篇分豈自訛只恐玄經
終寂寞空煩弭月駐山阿

答黃仲律學文之問

少學文章慮每周鄉人未免是吾羞讀書次第依先覺下筆
流行稍自由血氣既衰尤帖帖神明自至但休休聖賢端緒
無岐徑篤信躬行莫妄求

重題環翠亭為李浩卿作

亭深環翠燭光寒曾與詩人語夜闌秋色相高風蕭蕭露華
如洗月團團莫疑窈窕圍歌舞自愛空閒接羽翰我憶舊書
陰德幸百年應長萬琅玕詩人謂夔元傳觀志能也

谷馬竹所見示詩韻

黃菊分土勝封留惟有松喬是匹儔戴笠不愁山雨濕倚筇
嘗聽澗泉流玉堂夜永空餘夢瓦甕春生欲自浮豈料朝雲
停翠竹能從幙府一來游

壯氣橫秋勢利輕讀書讀律摠留情爭看撤幙清風起歸拜

懸車白髮榮馬上詩成恰我老前花發為君清
春還近莫厭羹魚斫尾頰

送吳文明

山雨牕寒詠楚辭可人同有古人思冰梅的的開生面霜菊
英英保令姿詩似仙成隨出換學如春到只心知重來宜及
東風十華蓋茅岡長紫芝

冬至後陳溪山既以佳句謹用韻奉答

一陽初動反隆寒夕雨山居絕往還彩筆曉題傳密意綠樽
春泛換衰顏希夷睡足風雲外安樂吟餘水竹間共看往來
閒日月紛紛塵事不相關

雪夜有懷華蓋山王玉玄

三峰千仞玉穹廬六骨金筋守靜淵渺渺微陽丹建地絲絲
深息火生苻瓊林樹柱虛明兔銀海奔吞黑赤烏持酒相尋

行迹斷人間無鶴到蓬壺

答許江東野空山

老去文章不滿車
玉繩家學賴兒扶
從師授業樂能達
對客揮毫我病蘇
春雨解憐轅下犢
朝陽愛及屋頭烏
德星何日賢人聚
膝上瑤環看畫圖
繞屋看山不命車
天寒翠袖自携扶
梅花照眼春常健
竹葉怡顏羽倍蘇
復有新灘娛老鶴
莫將舊事憶童烏
書堂圍煖歌春盡
蜀錦波開列海圖

寄和呂閑閑大宗師

鈞天樂徹洞庭波
野迥誰為擊壤歌
筆視烟雲塵世隔
鶴駕花風雨客愁
多傳白稚子空遺簡
伐木樵夫久爛柯
舊識浮丘華蓋子
相忠何必看雲過

次呂大宗師壽稀年詩韻

早接雲龍晚散萍
二年交信祝脩齡
公從天上承恩宴
我向山中讀道經
老兔幸分千歲藥
高鴻還借九秋翎
蓬萊清淺人應識
拄杖過頭并會星

老子長年藏室古
舊聞星象動江湖
尚方別賜三公馬
維嶽恒馳六轡駒
龍馬河中先取畫
麒麟閣上列仙圖
從游童冠俱頭白
幾度涼風咏舞雩
能歌能辨九爲草
無恨才情屬楚襄
巫峽草生春易晚
渚宮花發日何長
玄經焉就池比目
墨國語成來自少
光把筆題詩亦聊尔
坐中何用怪韋郎

送撫郡經歷海朝宗調官

館閣論思拜命新
風雲近接屬車塵
受釐官室多清夜
奏賦甘泉是暮春
春雨過落花行處
少日移高樹坐來
頻知君此日行吟
思驄馬封疆早又
避人

論撰西清近九天回頭二十五華年送人趨召迎新雨對客
停馬倚暮烟染翰朝朝裁五色吟詩往往過群賢故人若遇
楊開府莫說韋郎鬢飄然

寄趙知微廉使

曾賜玄州水玉舟南征六月海生寒宣威辨說誰為陸列守
文章孰是韓溟渤不驚天蕩蕩烟塵如洗月團團故家文獻
應催名拭目雲霄一羽翰

題致爽樓

易君小雅雅士也自其先長沙知錄公老於是邑子孫
守儒業至于耆耆又以醫藥濟人鄉邦稱世有善人者
也小雅與余年相近少相好也元統癸酉余自京師還
小雅觴余新樓之上望眺平遠山川邑屋烟雲竹樹歷
歷在目而易氏子孫或仕或農皆循循敦藝而敦本小

雅髮須郁然顏貌充悅諸子侍立若弟兄之相次也余
深嘆善焉小雅曰樓未有名也予為我題之余以為米
元章最號善標置嘗自名其軒曰致爽子之樓四面皆
可觀而西面獨遠請用往笏意字之曰致爽仍請賦之
易公屋上有青山故樓管樓擁髻鬢客至每留風燕外詩成
多在兩簾間南階竹似兒孫長東若身同日月閑若道神仙
平地如從南郭直柴關

東坡墨竹

扁舟憶上浣花溪風雨橫江萬竹低石室歸來秋似水峨眉
相對醉如泥春雷翻石蛟龍起夕照穿林鳥雀栖一老何年
重會面為揮濃墨寫淩雲

白雲閣上人度夏

白雲長傍太湖飛忽向西江度釣磯彭澤小龍邀共飯朝陽

遷客憶留衣笏因春兩朝朝喫橘待秋霜顆顆肥我自本名
無所住經函松下共柴桑

寄龍翔寺訢笑隱

贏得歸來休使休鶯花何處更追游閒雲過樹依檐宿好雨
添身繞舍流世上文章將底用夢中塵業又何憂隨身官殿
香雲重衣還見千峯百海秋

寄魯學士

往歲樓船過太湖珠簾翠幙護圖書泉南五馬傳燈後天上
群龍進講餘滿座賓朋尊有酒盈疇秔稻食多魚趣裝未覺
曹宗晚應有賢人載後車

答甘允從寄海東白紵

海國練衣雪色明寄將千里見高情著隨野鶴渾相稱行近
沙鷗亦不驚江露兩船歌醉起爐烟拂袖憶詩成秋風遊子

偏秋心予誰采芙蓉共晚晴

次韻董子羽見寄

家徒壁立相如宅森列雲山作畫屏前日遠煩天子使至今
猶詫野夫亭有來妙句題章草政尔齋居讀道經積雪滿庭
誰見問故人千里眼終青
昔年供奉慙清切簪筆春明近御屏一日携書歸菊徑幾回
對雪坐茅亭女蘿禱荔如新葺華蓋夫容麻鞋舊日經取憶先生
天上去皇都應見草青青

次韻答龜亭山

惠我名香海上來講帷還憶舊親陪微風高閣紆天步細雨
深簾對露臺滿袖當時携馥郁孤村此日舉蒼黃高人雅意
相期遠未覺匆匆白髮催

寄貞居張先生

司馬先生苦著書，以食金液日清虛。星夜欲動合精劍，雲霧長隨畢道車。重憶仙翁千仞表，為脩直錄百篇餘。白頭供奉黃金盡，靈藥何因到隱居。

孫宰金碧山水

昔代香山避暑宮，中天積翠立夫容。雲生金水三春柳，露滴銀床五粒松。飛瀑橋長通窈窕，斷堤人倦立從容。舊時行處今看盡，烟雨樓臺晚更濃。

甲戌四月十七日，至臨川中雲寺祝

聖壽齋，能為賦此詩。

郭西寺門雙石頭，水檻相對林塘幽。白花過雨落松牖，黃鳥隔溪鳴麥秋。衰朽虛蒙宣室問，淹遲實愛小山留。為貪佛日同僧話，滿袖天香念舊游。

蜀人錫夢良效揚補之撤蓬圖

錦屏山下花如錦，却愛清江野水邊。放筆豈能無直幹，掀篷方欲闢清妍。最怜半面歌扇更笑輕身障，舞筵君看上林千樹雪，繁枝何處獨娟娟。

寄吳思可廉使

歲月將題傑閣成，寄來三筆荷高情。知公任比中丞重，念我文慚吏部名。王勃當年神所助，江淹老去夢還驚。尚懷曩日茅墟下，解寫農諺詠治平。

寄南安燕信臣撫管

昔同禁苑又經筵，一別于今四五年。太守政成梅嶺北，老翁吟徹野雲邊。愁來每看新題字，夢裏猶懷舊奏篇。頗欲仙茅扶病骨，想能函致到臨川。

游仙遊山賦詩

仙游亭子北門東，雲樹烟霞野逕通。秋海華峰千仞表，春濃

仙縣百花中昔人黃鶴何年去九日清尊此意同醉掃菊花
歸路晚莫令狂客惱衰翁

方壺作仙遊山圖

身在山中底用圖偶然點染出方壺數株古樹雲連屋一箇
橫橋水滿湖門外從教車馬過鑑中不計稻梁儲等閑真遇
尋師者指與雲間一翠渠

畝錢翼之

吳郡名書盛有唐流傳風致到錢郎閉門三月梨花雨編寫
千林柿葉霜客看舊題驚歲月僧將新句度江鄉莫愁茅舍
淹留久秋菊春蘭各自芳

次韻聶空山送杏

看徧生紅雨滿林筠籠遠致百丸金遙知過熟心先喜猶恐
微酸齒不禁洗琰便應催泛蟻封囊何必共來禽唯當種核

成嘉樹花澆春壇巫琴

和陳溪山雪日雪見貽

弥天春雪積鹿壳花信入今為第幾風一色臨瑤無別間九年
金粟有餘豐愁吟野江雲俱黑睡起東牕日已紅幸自與公
同此樂莫辭微醉注黃中

予少年過蘇門酒樓賦此題曰連十八書郡人疑其為呂洞賓詩也謾記于此

耳目聰明一丈夫飛行八極隘寰區劍吹白雪妖邪滅袖拂
春風槁朽蘇氣似酒酣雙國士情如花擁萬天妹如今一去
無消息只有中天月影孤

即事四月十六日

卧病立園忽五年千官此日正朝天縣公稱壽邀相共野老
扶藜拜不前帶拭文犀看舊賜髮垂明鶴愧初筵莫言小邑

天光遠朝蓋靈芝五色鮮

目疾偶成一首

一任榴花五月開
看如烟霧亦悠哉
靜聽靈響空中發
坐受天香出外來
樂府好巡張籍賦
策書官共左右裁
大清絕點誰能盡
一瞬青蓮月滿臺

木絲鶴袖小烏巾
百事無聞自在身
舊是玉皇香案吏
今為華蓋洞天賓
看花謾大如烟霧
落筆那能泣鬼神
聞有紫芝新可食
園公有約願為隣

柯敬仲畫古木疎篁

不見丹丘四五年
幽呈古木更蒼然
筆段霜露風連海
翡翠蘭若月在川
憶昔畫圖天上作
每題詩句世間傳
前村深雪誰高卧
亦有晴虹貫夜船

高軒江石門江秀才

石門山在盱江上
聞似金山及落星
浮石不隨春漲沒
道林常見曉雲停
鳥飛空界誰能賦
龍負經函我所銘
此地下隣多逸興
重來為駕向幽亭

夢吳成季真人見訪燕中作

竹外旌旗駐馬鞍
兒童驚喜識衣冠
青山春日何須買
高閣浮雲只共看
野籟不堪供七節
新詩聊可助盤桓
當年赤壁扁舟夢
幾度人間玉宇寒

嘉平歲望陳谿山自山齋還邑月下獨步有賦

野迥霜明月轉高
寒花踈影立亭臯
池冰下見蒼鱗鬣
雲海東迴雪羽毛
客去夜深猶倚杖
詩成春近更揮毫
茅簷數尺當晴昊
無限清歡一緼袍

莫愁寒日經簷短
雍牖因南煖有餘
頗有襟期俱老大
略無塵滓涉清虛
飢來進火烹仙木
定起和丹較道書
憑仗白雲

封谷口免教人跡近幽居

題馬竹所照磨捕魚圖

霜寒水淨已無魚漁者縱橫罔不踈羹食盡供晨市遠炊烟
猶待晚歸餘已知漠漠濛濛染異豈盡洋洋鄭沼如萬里江湖
春雨闊海鷗不去小舟虛

李伯宗錄詩

老去逢春祇謾吟敢煩絳筆為追尋玉堂天上成塵夢茅舍
山中稱野心萬里雲霄歸鳥盡孤村風雨落花深文章傳世
知何用空使高情慨古今

壽陳溪山生日

風動蕭蕭白髮疎高齋長日共清虛輕雷過雨神功外瑞露
垂雲畫灑餘藜杖每期天外友松肪更試枕中書九秋華蓋
通天極千載相隨兩鹿車

鶴

予家有薛少保鶴一軸先尚書自蜀携至此邑以為珍
玩先參政晚歲失之不知何在當時極惋嘆今二十餘
年集妻姪浚儀趙德莊從好事者重購得之欲集識其
故而藏諸篋篋可為賦此

吾家舊物薛公鶴老氣峰嶸壓九臯鐵石閣身脩足脛雪霜
依骨淺羽毛通泉父失千年壁杜甫空吟一世毫老去思鄉
歸未得時時借看倚秋高

一月雪與陳齊賢

江南二月長聽雨誰見翩翩雪滿舟病眼直驚翻玉樹吟身
渾欲覓貂裘衝寒載酒恰佳客把筆題詩想舊遊得意長安
各騎馬山堂還憶醉翁不

閩憲克莊以故舊託疾五世孫明仲遠徵鄙又老還遣棄故

逸何伯宗用昭止善浩淵子勗至善及余表姪孫
陳誼予兄子豐仲弟之婿賈熙用昭之從子大年
等十餘人寒夕連旬日夜錄之得五十卷亦已勞
矣賦此爲謝

若去斯文付寂寥寒枝枯甲一遺蠅虛言自歎真何補好友
相求不憚送敗篋塵埃煩數子破窻燈火每連宵書成明日
尋梅去共看春風轉斗杓

送朱明仲歸建安并簡貳憲幹克莊

道南遺緒實大存經寸神膠萬里渾路遠祇憑霜履穩歲寒
更覺緼袍溫山川文物今誰在師友淵源尚可論弱翰不堪
酬使者遠來深愧考亭孫

送王公輔遠遊

君子之所居雖歲月易遠而餘風流韻不自知其及人

之不窮也空山雷先生隱于種湖之上豪傑名勝多從
之游其光顯盛大者固已著見于代其高尚深遜者則
有不可得而知者矣然種湖樵先生遺書數百卷與平
生著述皆無恙也湖觀之師弟子相傳而守之其寥廓
之趣粵古之思必有彷彿其精微者乎至元二年丙子
正月六日大雪道無行人有羽士王公輔自種湖來袖
詩一篇爲贄觀此風致諒非俗塵所能固有得於君子
者乎問其年纔三十喜其盛年好讀書苦吟聞其將從
吳越淮泗而遂至乎京師也故作詩以送之

春雪門前二尺深子喬雙鳥度幽岑欲吹藜杖同清夜靜看
梅花對苦吟江國鷺花時井井京城烟雨晚駸駸老來每憶
登臨處仗子芳年一一尋

題趙師舜謝安遊東山圖

太傅東山杖履行總將憂患托高情獨尋窈窕開瑤席
錦引娉婷韻玉笙春雨松間殘爽冷秋風江上莫塵生
三分籌策頻煩甚惆悵雲霄一羽輕

活水源爲王欽道賦

川上堂間感聖衷尋源曾見出泉蒙風霆流動千門闢
山澤高深一氣通潤物已隨時雨化濟川猶歎昔人功
野塘舊隱誰能住一勺清冷謝太空

夜宿周氏簡饒復心李伯宗

復心與伯宗留宿周氏東齋談易論語集註至於達旦
某以微疾不得奉陪然心甚喜竊爲賦此呈皇二君子
霜月高齋宿兩賢夜深清話極幽玄退藏莫測神明化
通變酒間典禮傳五十華年思絕學一二良友信遺編
選錄若欲世殘臘晴吳梅英勃與先

贈朱萬初之官建寧并序

仲春之望建寧幕長朱君萬初之官迂道百里惠訪山
中存撫老病深感古誼得見禁林貴臣名八書報萬
初延閣機暇得進所製新墨甚稱旨意中書傳問所居
官將有朝擢之喜良爲助慶因賦此爲別云

墨卿玄壁進明光玉硯雲興御榻香內相貽書傳異賞中
朝垂問仕何方宗家應訪金絲舊古道相求草木荒把筆欲
題新感遇牛衣春夢鬢蒼浪

五言絕句

題汪華玉之昂蘭石四首

海內出珊瑚枝撐碧日孤鮫人拾翠羽泣露得明珠
參差不可吹綉佩寄遠道遂令如石心歲晚永相好

抱玉下天河繞叢秋路多天寒翠袖薄日暮欲如何
翠袂倚岩堯來尋碧苔蕭拂衣成歷劫遺迹映寒潮

題黃與可所藏錢舜舉瓜圖

秋蔓有遺實不食庸何傷東陵爲圃地何曾憂雪霜

題趙師舜光風轉蕙泥崇蘭圖

衆芳非不多金石好兄弟襟佩以間之春風接襟袂

春妍帶雪圖

玉茗深宮裏春妍帶雪殘可憐五色羽相並不知寒

江村秋晚圖

依約米家船疎林泊暮烟新詩吟未了槎上釣江鱸

題饒世英所藏錢舜舉四季花木

海棠

睡起多情思依稀見大真一枝紅淚濕似憶故宮春

黃蜀葵

花萼立清晨鵝黃向日新金杯承玉露偏醉鄉人

芙蓉

丹霞覆苑洲公子夜來遊終宴風露冷折花登彩舟

家茶

萬木老空山花開綠萼間素粧風雪裏不作少年顏

題趙師舜所藏雪竹圖

鳳皇畫畔竹猗猗別出天然差玉一枝閒盡雪霜心似鐵高風

惟許嵩寒知

題饒世英所藏孤鶴圖

海風吹月憶危巢清夜扶梳翎雪墮切信客不知猶是畫每聽

長喚向松梢

贈朱萬初四首

霜雪摧殘澗壑非深根千歲斧斤違寸心不逐飛烟化還作
玄雲繞紫微

近世墨以油烟易松滋媚而不深重萬初既以墨顯得
真定劉法石刻墨法以為劉之精藝深心盡在於此必
無誤後世因覃思而得之蓋取千百年摧朽之餘精英
之不可泯者乃用之非常松也烏乎孰肯舍易而求難
必求古人之成法而後盡其心者乎

珥貂鳴珮入明光新墨初成進御床章野小臣春夢短猶
懷染翰待君王

天曆己巳天下大定中外又安

天子始作奎章之閣于宮廷之西日親御翰墨時榮公
有初康里公子山皆近侍閣下以朱萬初所製墨選大
稱

旨得祿食藝文之館其名藉甚邈在草野豈勝千古之
思乎

延閣晨趨接佩聲又紆朱紱向江城丹心要似東陽水釀作
官壺徹底清

朱萬初以藝文直長以年勞恩賞出佐帥幕南海轉丞
東陽東陽文物之邑俗第以名酒歸之豈其山川之望
哉韓文公譏丞不負余余負丞今丞凡邑之風俗教命
刑獄科賦無不得言言之當無不可行存乎其人而已
其初勉之

頗愛炷香是鼻塵不應緣嗅又勞人方牀石鼎過清晝一縷
山雲伴老身

深山高居爐香不可闕退休之久佳品乏絕野人為取
老松栢之根枝葉實擣治斫楓肪和之每焚一丸亦足

以稍助清苦久亦不復爲今年大雨時行土潤溽暑特甚萬初袖致土速數片空齋肅寒遂得爲一日之供亦可喜也

道園學古錄卷之二十九

